

1421

P O L E M I C I.

1422

liano I. fuisse puto. Hujus, uti et *Ferdinandi* I. Medicum ita egit, ut in Consilium adlectus et a. 1530. a *Carolo* V. Baro renunciatus, aq̄ue *Ferdinando* Dynastia *Sprinzensteinensi* in *Austria* sup. donatus fuerit. Adjacent mihi *Epicedia in Urs. Veli* mortem impressa 1539. *Viennae* 4. quibus editor *Ad. Carolus* Caes. Secretarius sua manu adscripsit: *Magnifico et Generoso Viro Domino Paulo Ritio Baroni a Sprinzenstain, Regio Consiliario et Protophysico dignissimo*. Itaque illustris hodie Comitum *Sprinzensteiniorum* Familia docto huic Viro originem debet non per *Hieronymum*, qui Praepositus *Tridentinus* fuit, sed per *Franciscum* filium. Ut pluribus in meo ad *Hist. Typogr. Vindob. Supplemento* vernaculo.

CCCLXXI.

³⁶¹ Codex chartaceus lat. Sec. XVI. Folior. 30. f. inscriptus est: *Qualia a quibus Senatorum Ordinibus sint iudicanda*. Primo intuitu aegre quis coniectet, haberi hic *Summaria* priorum X. Capitum *Traſtatus de Synedriis* (מסכת סנהדרין) ex Ordine *Mischnico de Damnis* (סדר נזיקין) latine a nescio quo reddita, quorum initium: *Eorum quae in iudicium veniunt quaedam a tribus definiuntur iudicibus, ut ea quae bona concernunt mamonis* (ממונות) *a nobis dicta externa* &c. Adjecta sunt in fine: *De Talmudistica Gloſa notatione digna, five*

Sententiae et Fabulae quaedam e *Gemara* depromptae, quae sine truncatae videntur.

CCCLXXII.

Codex chartaceus lat. Sec. 544 XV. Folior. 63. 4. fat nitide exaratus hunc Titulum praefert: *Incipit libellus contra precipuos errores grecorum editus a fratre Bartholomeo constantinopolitano ordinis fratrum predicatorum ad instanciam fratrum inter grecos commorantium*. Prooemii initium: *Licet grecorum ecclesiam virtutum floribus et phylosophie studijs olim decoratam nouerimus, ita quod ipsa sanctorum presidencium (praecedentium?) patrum apostolorum videlicet et prophetarum veloci cursu calcans vestigia, quam plures ex se viuos et ignitos lapides ad edificium superne iberusalem dudum transmiserit construendum. nunc tamen hoc est in fine temporum quod sine graui merore proferre non possumus, diuersis et quasi innumeris errorum obfuscata turbinibus in eadem suarum opinionum caligine diuisa a sacrosancta romana ecclesia et ceca perseuerat, et quamuis infinita heresum grauamina (Germina?) a 370 annis hoc est a tempore fosij seu fotini primi huius scismatis inventoris in diuersis suis partibus tam propter defectum scientie quam propter odij et inuidie amaritiam pullulauerunt, precipue tamen in 4^{or} articulis generaliter seu communiter dinoscitur deuiare a nobis &c. Articuli hi sunt de Processione Spiritus*

1423

C O D I C E S

1424

ritus S. de Purgatorio, de Pane fermentato et de Primatu Rom. Ecclesiae. Ex anno suprascripto Tempus, quo scripsit Noster, deduci potest. Si enim ab anno 891. qui *Photio* ultimus fuit, subripes, habebis annum 1261. quo tempore *Francis* etiamnum *CPolim* tenentibus homo *Latinae* originis ibidem, quae prae manibus habemus, scribere potuit. Nihil de eo *Bibliothecarii* Ordinis sui, nisi quod *Codicis* nostri illos attigerit notitia, ut vides in *Addendis T. II. p. 818.* Nos igitur et *ὀικονομίας* ejus dabimus. In VI. videlicet *Distinctiones* abijt, quarum priores IV. totidem mox enumeratos *Graecorum Articulos* impugnant, quinta de causis et tempore Schismatis agit, ultima calumnias *Graecorum* contra Ecclesiam *latinam* refert, quas inter *Germanorum* etiam benevola mentio: *Teutunici a ritibus gentium parum discordant et in Deum impii sunt.* Tractatui toti, qui in haec verba definit: *Scriptum est enim Jerem. 50. Omnes qui tenditis archum debellare eam. i. babilonem;* adnexa est Quaestio: *quando greci fuerunt excommunicati,* narraturque factum a. 1055. sub *Leone IX.* et *Mich. Cerulario* ex ore *Pantaleonis* cujusdam, qui tum *Constantinopoli* se adfuisse testatur, in quem, dum curiosius inquiri, deprehendo Tractatum nostrum nequaquam latuisse *Bibliothecarios Ord. Praed.* recensitumque fuisse ab eis T. I. p. 136. tanquam *ἀνωρύμων* ad Editionem *Petri Stevartii* in Tomo

sing. insign. Autor. &c. Ingolst. 1616. 4. collatam cum *Cod.* quodam *mf.* quem nati fuerant. Quoniam vero *Codex Caesareus* et Autoris nomen omnibus ignotum reteggit, et pluribus locis a dicto utroque Exemplo variat, *ὁ γεγραφα, γεγραφα.* Exemplum aliud recurret etiam inter *Codices* a *Carolo VI.* Bibliothecae nostrae illatos.

CCCLXXIII.

Codex chartaceus lat. Sec. 675 XVI. Folior. 20. 4. eleganter, non tamen absque mendis, exaratus, et quondam *Seb. Tengnagelij* de Bibliotheca nostra optime meriti, inscribitur: *Melitii De Eucharistiae Sacramento.* Numerosam esse *Meletiorum* in Rep. literaria familiam vel inspectus Index Generalis *Bibliothecae Gr. Fabricianae* docet. Atque hinc in tribuendo cuique Suum non raro erratum. Pronissimus lapsus est in Scriptis *Meletii τῆ Πηγῆ* five *Pigae* et *Meletii τῆ Συγίης* five *Syrigi,* quorum tamen hic ad Seculum XVII. ille ad XVI. pertinet, et proinde Tractationis praesentis autor est. Plurima de illo congestit *Euseb. Renaudotius* ad *Genadii Patr. CPolitani Homilias* et *Aliorum Graecorum Opuscula de Sacramento Eucharistiae, Paris. 1709.* p. 91. 4. ad quem remitto, illud notare contentus, ne quem sermo *Meletii* latinus detineat, ipsum *Creta* oriundum, juvenemque in *Italiam* studiorum causa profectum, *Patavii* cursum Academicum